

# مصلحت‌طلبی

مطبعه رحل اراره :

جمال اوغلنده امنیت  
سندوفی جوارنده  
شکول یقوشنده  
۲۷ نومرو

سلکمه موافق آثار  
جدیده مع المنونیه  
قبول اولنور

درج ابدله بن آثار اعادة اولنماز

دیه ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئون اسلامیه و به بحث ابرو هفته دره بر نشر اولنور .

آبونه بدلی

صاحب و مؤسسلری :

ابوالملا زین العابدین - ح . اشرف ادیب  
تاریخ تأسیسی

درسعادته نسخہ سی ۵۰ بارہ در

قبیلہ دن منوا بورو ایله کوندربیلیرسه سنوی  
۲۰ غروش فضله آلنیر

| سنه لکی | التی آتانی | غروش |
|---------|------------|------|
| ۶۵      | ۳۵         | ۳۰   |
| ۶۰      | ۳۰         | ۲۵   |
| ۱۷      | ۹          | ۱۰   |

عدد : ۱۶۴

۳ ذی القعدة ۱۳۲۹ پنجشنبه ۱۳ تشرین اول ۱۳۲۷

یدنجی جلد

## وحدت وجود

۹

وجودك كنهيله متصور، بنابرین كسی اولدینی ادعا ایدنلرده بولند یغندن كتب اسلامیهده بو بحثه دائر بر طاقم مناقشات واردر . بو مناقشات صرف نظری اولدینی جهتله بعض افسکاره کوره حائر اهمیت دکلسهده بیانمسی هر حالده فائدیدن خالی دکلدر . او کتابلرده مناقشه شوصورتله وردیلیر : وجودك بداهة تصورینه قائل اولانلر دیورلرکه وجودك بداهة تصویری قبول ایدلنکی تقدیرده یا تعریف حدی یا خود رسمی ایله تعریفی ممکن اولدینی قبول ایتکده ضروری اولور . وجودك حد ایله تعریفی جهتله کیدلسه انی اجزاسیله تعریف اقتضا ایدر ، حالبوکه وجود بسیط اولدینندن انی اجزاسیله تعریف ممکن دکلدر . وجودك مرکب اولدینی فرض ایدیه جك اولورسه ایکی احتمال مواجهه سنده قالنیر ، یعنی یا وجودك اجزاسی ده کندیسی کی برطاقم وجوداندن اولان یا خود وجوداندن اولمیان شیلردن اولمق لازم کلیر . اگر اجزای وجودك کندیسی کی برطاقم وجوداندن اولدینی فرض ایدیه جك اولورسه ماهیته جزؤك کله مساواتی اقتضا ایدر ، شو حالده تعریفه اساس اتخاذایدیه بیلیمك ایچون بشقه بر ماهیتدن استعانیه احتیاج مس ایلر .

ایکنجی احتمالیه یعنی وجودك وجوداندن اولمیان اجزادن ترکیبی احتماله کلهجه او اجزاتك اجتماعندن حاصل و بزجه تعریفی ملنزم اولان ذات وجودك ، اجزاسی اوزرینه بر امر زائد اولمسی لارم

کلیر . زیرا وجوداندن اولمیان اجزای وجود بر یره کلدیکی زمان انلرك اوزرینه بر امر زائدك انضمامی فرض ایدیه جك اولورسه او زمان اصلا وجود تحقق ایدر . او اجزاتك اوزرینه بر امر زائدك انضمامی فرض ایدلنکی تقدیرده انضمام ایدن او امر زائدو وجودك یعنی تعریفی اقتضا ایدن حقیقتك کندیسی اولمش اولور و بو صورتله تحقق ایدن بر شیکده اجزای وجوده عارض و انلرك اجتماعندن متحصل اولمسی اقتضا ایدر . مسئله بو صورتله اقتران ایدنجه اجزای مفروضه « وجودك » ک علی ، معروضاتی اولمش اولور . حالبوکه ذاتاً وجوداندن اولمقلری فرض ایدلش اولان اجزا ، کندی ماهیتك ضدی ، بر ماهیته یعنی وجوده فصل علت اوله بیلیر ؟

وجودك مرکب اولمسی فرضیه سنده ایکنجی بر محذور دهها واردر . زیرا اجزای وجود اوزرینه انضمام ایدن امر زائدو اجزاتك اجتماعندن متحصل ، او اجزایه عارض اولدینی ایچون عینله وجود دیمکدر . شو حاله نظر آ ترکیب مفروض ، وجودك فاعلیله قابلنده تحقق ایدرک ینه کندیسنده تحقق ایتز . و ترکیب کندیسنده عدم تحققنه بناء وجودده تعریف حدی ایله تعریف ایدلش اولماز .

وجودك تعریف رسمیسنه کلهجه ، تعریف رسمی معرفك کنهیدر برشی بیلدیره من . بزه لازم اولان معرفك یعنی وجودك کنهیدر . بر شیک تعریف رسمیسی ایچون وجودی مقتضی اولان اساسلرك معرفدن دهها زیاده بیلنمش ، ا کلاشلمش شیلردن اولمسی تعریفك شرائطنددر . حالبوکه مفهومات ایچنده وجوددن اعرف بر مفهوم بوقدرکه حتی وجودك تعریف رسمیسی ایچون اساس اتخاذایدیه بیلسون .



متکلمینه کلمه انر وجودك حد اعرافی ممکن اولدیقه قائلدرلر. وجودك بوصورتیه تعریفی قبول ایدلایکی تقدیرده بحث، معقولاندن زیاده محسوسات، دهاطوغریسی مادیات دائر دهنه کچر. انر دیورلرکه : هرشیئت وجودی کندی حقیقتندن عبارتدر. حقایق اشیا ایسه متخالفدر. وجودات ثابتسه. وجود مطلقك اجزای مختلفه سی دیمك اولدقارندن حقیقتاری اعتباریه کشیدلرندن مرکب اولان شیئده مخالف اوله ییلرلر. شو حالده جزؤك کله ماهیته مساواتی قیدندن متولد محذور منتفی اولور. وجودك کسی یا خود بدیهی اولمسی بحثنه کلمه یو بحثده کی مناقشات انك مفهوم واحد مشترك اولمسی فرضیه سنه کوره در. بوندن صرف نظر اولنورسه مناقشه یه محل قالماز. چونک وجودك حقایق اشیا دن عبارت اولدیغی فرض ایدلایکی تقدیرده او حقایقندن بعضیسنك دهاطوغریسی کافه سنك کسی اولدیغی قبول ایتك ده ضروری اولور. زیرا حقایق اشیا دن هیچ بری کهنه وقوف اعتباریه بدیهی دکدر. شو حالده وجودك اجزای ده کندیسی کی بر طاقم وجوداتدن عبارتدر دیمك اولی اولور. وبویله دینلایکی صورتده ماهیته جزؤك کله مساوی اولمسی لازم کلر. زیرا وجود مفهومك اجزای وجود حقه صادق اولمسی صدق عرضیدر. شو حالده برشیئتك کای حقه صادق اولان بر مفهومك اجزای حقه صادق اولمسی مستحیل اولماقی لازم کلر.

اجزایك اجتماعی حالده انرک اوزرینه بر امر آخر انضمام ایدر سوزینه کلمه یو سوز طوغریدر. فقط اجزای وجود اوزرینه انضمام ایدن او امر آخر مجموعك کنا یسدر و مجموعك کندیسی اولمق حیثیته ده عین وجوددر.

اگر بو مجموعك اجزای وجوداتدن دکسه ترکیب. وجودك کندیسنده تحقق ایدوب فاعل و قابلنده تحقق ایتز.

متکلمین وجود حقه کی یوقاریکی مناقشه یی یوروتدکن صکره تأیید مدعی ایچون بعض مثالار اراد ایدورلر سده انرک بورایه نقانده بر فائده یوقدر خلاصه متکلمین بوم بحثده حکما تمیر عمومیه سیله یاد ایتدکلری اصل نظرله برلشهرک : وجود مطلق بر مفهوم کلیدر. مفهومات کله ذهنده متحقق اولوب نازجه متحقق دکدر. وجود مطلقك تحقق خارجیه ده موجودات غیر متناهیته ک تحقق خارجیه سیله قائمدر. یعنی وجود مطلق انلردن بشقه برشی دکدر. دیورلر.

ایشته شو افادادن اکلاشیلیورکه وجود حقه بر چوق مناقشه ایدلادکن صکره او مناقشاتک هیئت مجموعیه سی صفرده قرار ویربور و مناقشه ایدنلر دونوب دولاشوب اسکی موقعلریته یعنی مبداء مناقشه لرینه رجوعه مجبور اولیور.

متکلمینك اعتراف لر یاده ثابت اولدیغی وجهه ذاتاً وجود حقه کی تدقیقات نظریه مفهوم وجودك مفهوم واحد مشترك اولمسی فرضیه سنه کوره در. او فرضیه دن صرف نظر ایدلایک اولورسه موجود ایله وجودك عین شیدن عبارت اولدیغی قبول ایدلایک وجود حقه کی مناقشه یه ده محل قالماز.

زیرا بحثك بوصورتیه بر شکلدن شکل دیگره انتقالی یالکمز وجودك

موجوددن. موجودك ده وجوددن عبارت اولمسی تکراردن بشقه برشیئی استلزام ایتز. و تعریف حدی ایله تعریفی ممکن کی کوریلان وجودك موجوددن عبارت اولمسیه انك عکسی اولان قضیه متصل تکرار ایدلایر دیورلر حال بوکه اصل بیانمسی لازم کان جهت یعنی ذات وجود. موجوده انقلابی و بو صورتیه نظرلرده بر قات دها تعینیه رار. یینه ستره مهمیت النده قالمقندن قورتیه ماز.

خلاصه وجود ایستر ذاته ایستر متعلق اولان موجوده نظراً تعریف ایدلسون ماهیتی اعتباریه نه حدی نه ده رسمی بر تعریف ایله تعریف ایدلایمز. ایدلسه بیله او تعریف صدره شفا ویره جک بر معنی افاده ایلایمز.

فرید

### برم عقلمز بزه یارارسه بزده آدم اولورز.

عمومیتله آوروپا علماء ادبا و سیاسیونی بزم اسلاملری آدم اولور والرنندن ایش کلور ظنده بولنه یبورلر. دها دوغریسی بزم آدم اولمه مزی و ایش کورمه مزی ایسته میورلر. بزده نواقص و مساویدن هر نه کوررلر سه. هان بالتردد اسلامیه اسناد ایدر چبقارلر. کندیلرنده عینی حالر و دها زیاده فضائح صدور ایتسه ده تفسیر و تأویلات ایله اورتمکک چالیشیر و مطلقاً بر توجیه وجیه بولورلر. بوا یسه آنلرجه بر دستور عمل اولمشدر دیه جک اولور سه ک جائز اولور. خرستیان علماسی و بالخاصه اسلامیت حقه ده تحقیقاتده بولنلر ق اولدقجه کسب وقوف ایتدم ظنده بولنلرندن اکثری دیانت اسلامیه ده تعرض اولنه جق برشی بوله مدققرندن. بالعکس بر چوق فضائل مشاهده ایدهرک. کور کورینه انکار ایتمکدن صیقله مشلرده «اساس اسلامیت خرستیانلقدن. مأخوذدر. حضرت محمد (عم) اسلامیتی قبل النبوة بر راهب نصرانییدن تلقی ایتدی» کی سوزلر دخی سویلا مشلردر.

یعنی حق و حقیقتی هیچ بر وقت دوغریدن دوغری اعتراف ایتک ایسته میورلر. حتی نوکره طرابلس غرب مسئله سی میدانه چبقار چیقماز آوروپا مطبوعاتنده تورکیه احوالندن بحث ایتدکلری صیره ده. اکثری تورک کلمه یی پرئنده مسلمان کلمه سی استعمال ایدرک. بمضاده ایکی کلمه یی چیزکی ایله (تورک - مسلمان) برلشیدر هرک قولانیور. طرابلس غرب مسئله سیله مخلوط. له و علیه مزده بر چوق شیلر یازیورلردی. روس مطبوعاتنده هفتلق ژورناللردن بری. تورک - مسلمانلرک عدم استعدادندن بحث ایتدیکی صیره ده. سوزی اون تموز و اوتوز بر مارت انقلابلرینه نقل ایدهرک دییوردی که :

«بوانقلاب فی الحقیقه فوق العاده بر موفقیت و مهارتی حائز و جالب»